

"ARUBAANSE COURANT"
diariamente cu excepccion di
dijadomingo
subscripcion: 5.25 pa luna
educacion: 2.00 et

edita pa:
N.V. Arubaanse Drukkerij- en
Uitgevers- en Publicatie Mij.
Nassaustraat 85 O'stad Aruba N.A.

imprimi na:
N.V. Drukkerij „De Stad“
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscripcion.

Directeur hoofdredacteur: D. Wolff.

ARUBAANSE COURANT



Diario pa
KONINKLIJK INSTITUUT
Voor
TAL- LAND- en VOLK- KUNDE



Aruba



SWIFT

CORNED BEEF

gusta pa grandi y etikilo den tur
cas, pa su calidad y su bon smaak.

Agentes: **Wimco**

Anja 24 DIAHUEBS 22 DI AGOSTO 1963

No. 4722

E conflicto Religioso na Sur Vietnam

Gobierno ta proclama estado di sitio y ta ocupa tempel di Budistanan

SINGAPORE, 22 agosto — Radia Saigon a anuncia cu gobierno di Sur Vietnam a proclama estado di sitio pa henter e pais. Polis di Sur Vietnam a ocupa e tempel Budista di mas grandi na Saigon. Parce cu durante accion di e polisnan algun tiru a cai. Den e tempel Xa-Lai mas di dies mil Budista a tene un welga di hamber tres dia pasa como protesta contra e discriminacion pretende riba tereno religioso.

Segun e Budistanan president Ngo Dinh Diem y su gobierno catolico ta aplica discriminacion contra e Budistanan. Segun noticiannan no confirma trapanan di gobierno na e ciudad Hue a ocupa e tempel Toe Dan den e ciudad ey. Manera ta conoci siman pasa un monja Budista, di cinco cu ta comete tal acto, a quita su culpa.

Ademas radio Saigon a transmiti, cu ehercito di Sur Vietnam ta percura pa seguridad publico y cu tur reunianan publico cu ta menasa e seguridad ey ta prohibi. Tur facilidatnan di comunicacion ta baw, di vigilancia di ehercito. E transmision di radio Saigon a word anuncia como voz di ehercito di e republica di Sur Vietnam.

E comunicacionnan entre Saigon y Singapore ta quibra for di ayera mainta.

Dos tempel cu ta ocupa pa trapanan di gobierno, tabata e centronan mas principal for di cual e Budistanan tabata dirigi nan accionnan. Segun radio Saigon militar y polisnan a lista un di tres tempel. Nuebe solda di e trapanan di gobierno a word h/da ora cu nan quier a ocupa e tempel di Hue. Cincu di nan ta grave. Monjanan y ciudadanonan Budista a ataca e militarnan cu piedra y palu. Segun radio Saigon situacion na Hue por lo demas ta normal.

E ministerio Mericano di Exterior a participa ayera, cu e desarollo na Sur Vietnam ta word sigui cu gran atencion. Pero ainda e ministerio no quier duna comentario riba e sucesonan, ya cu e noticiannan cu ta word ricibi tocante e situacion na Sur Vietnam ta poco brucha.

Radio Saigon a anuncia despues cu tur tempelman den e capital a word ocupa door di polis. Ehercito a proclama un prohibicion pa sali despues di nuebe'or di anochi te cinco'or di mainta.

E corresponsal di e agencia Ingles di prensa Reuter na Saigon ta anuncia, cu centenares di militar den uniform di camouflagage y polis cu helmnan di staa a ataca tur tempelman di Budistanan na Saigon y tambe nan a ocupa e oficina principal di correo y punto, nan estrategico. E cayanan den cerca-

nia di e tempel grandi Xa-Lai a word bloquea adelanta.

Segun fuentenan autorisa den e capital di Sur Vietnam e forsanan militar a word encarga cu mantencion di orden y seguridad. General majoor Tran Van Don a word nombra hefe di e staf di general encarga cu vigilancia riba aplicacion di e estado di sitio. E gobierno municipal civil na Saigon a word reemolasa pa un gobierno militar. E gobierno aqai ta baw di direccion di brigada general Ton That Dinh.

Arestacionnan

E accion cu polis y militarnan a hiba ayera mainta na Saigon, capital di Sur

Vietnam, contra tempelman di Budistanan, a causa cu algun cien Budista a word aresta.

Na Saigon situacion ta basta normal, solamente militarnan ta patruyando continuamente y na hopi lugar nan a pone barricada den caminda. Pero esaki a socede mas biha den ultimo lunanan y ningun hende ta paga atencion extra na esey.

Aeropuerto di Saigon ta sera pa por lo menos 24 ora na aviacion civil. Ningun avion di pasahero tin di baha of subi. Tambe den e ciudad Hue cos ta, bata tranquil ayera den dia.

Den un comunicado di ehercito a word participa, cu durante ocupacion di e tempel Toe Dam, loke a causa nuebe herida, Budistanan fanatico a trata na pega e tempel na candela.

Den un comunicado di e ministerio Mericano di Exterior ta word bisa, cu Merca ta deplora e actitud di gobierno di Sur Vietnam contra e lidernan Budista. Segun departamento di estado e actitud ey ta un violacion directa di e garantianan cu gobierno di Sur Vietnam a duna, cu e lo hiba un politica di reconciliacion cu e Budistanan.

Aruba no ta carinioso pa Yatenan, „Motor Boating“ ta bisa

ORANJESTAD, 22 agosto. — Den e numero di agosto di e revista mensual Mericano „Motor Boating“ pa deportisanan di e deporte acuatico, un articulo largu a termina cu un linea menos carinioso pa Aruba. E articulo tin como titulo „Red Tape and Blue Waters“. Den e articulo e escriptor Marjorie Betts Peterson ta duna un aclaracion di e formalidadnan cu ta necesario pa sal' for di Merca y bishita haafnan di Sur America y di Caribe.

E ta clausura su aclaracion lo siguiente:

„South of St. Thomas, down along the gently curving arc of island paradises that are the Leeward and Windwards, officials (cu esey e kier meen e autoridatnan) cu un baren ta hanja pa atende ora e bishita un haaf are well used to the goings and comings of yachts. A formal entry is necessary, but a crew list is the only necessary paper, and no clearances are expected or given. Finally we might say that we have found no officials to be malicious or venial. Some are more easygoing than others.

Martinique, where one must go ashore to inform Customs of arrival and finds that he is affable but not very interested, stands out in that way. THE DUTCH ARUBA WAS THE OTHER SIDE OF THE COIN. POSTING A CUSTOMS GUARD, REQUIRING A STORES LIST, AND SEALING UP THE LIQUOR. TOO.“

Comentario

Serca Haven- en Loodsdienst y Douana di Aruba e observacion di Marjorie Petersen a causa poco sorpresa. Havenmeester J. Berkhout a declara cu su dienst semper ta trata

E campesinonan den beelndario di e ciudad Frances Rijael a protesta contra e hecho cu nan ta hanja tres cen pa kilo pa nan batatanan, mientras cu e publico mester paga un prijs muchu mas haltu den tiendaan. Nan a basha diez ton di batata riba e plaza local a causa un enorme esnagnacion. Mientras cu e publico tabata trata pa piki mas batata posibel for di calla, e trafico a trahi un papa di e sobra.



Riba e combinacion di portret aki nos ta mira comandante A. van Es (robez) y brigada-general J. C. E. Haex (drechi) cu a word propone como secretarionan di resp. Marina y Landmacht den e gabinete nobo di Hulanda.

NOTICIA DI POLIS

ORANJESTAD, 22 agosto. — Banda di l'or y mei dialuna anochi, un dama na Sividvi a pidi asistencia di polis pa su esposo. A resulta cu e esposo a menaza su senjora cu un cuchu di corta pan. Ora polis a yega na e cas, e caballero tabata drumiendo tranquilamente di dje carba. Como cu e tabata baw di influencia di alcohol, patruilla a hanja mihor pa hibe warda di polis caminda

nan a dune un cuarto pa saca wayaba.

Accion stranjo

Mas o menos 11'or y mei dialuna anochi, un caballero a pidi asistencia di polis pa un otro caballero baw di influencia di alcohol, kende a drenta sinta den su pick-up y no kier a sali mas tampoco, ni con cu e donjo a papia cu ne. E caballero burachi a word saca pa patruilla for di den e pick-up y hiba warda caminda el a hanja un cuarto gratis unda e por sinta mes tanto cu e ta hanja bon, sin word molestia.

Desgracia cu motorcycle

Dialuna atardi seis'or y mei a word avisa na polis cu un dujo pasahero ariba un motorcycle a hanja un desgracia, a causa cu su pia a drenta den e wiel atras, di e motorcycle. E hoben cu tabata involvi den e accidente aki cu a tuma lugar ariba caminda di Savaneta pa Rooi Cochit a P.L. Door cu su pia a drenta den e wiel el a hanja un cortia basta grandi na su hilechi. Cu auto di polis el a word transporta pa hospital. Despues di a hanja tratamento medico e por a bai cas. E manehador di e motorcycle tabata G.F.

FATUM — Tel.: 1845
pa tur bo aseguranan

Ki dia un fin?

Dialuna anochi och'or y mei polis di San Nicolas a word avisa cu na un cierto telefon publico tabatin algun hobennan ta yamando diferente personanan, papando palabranan sushi y di abuso cu nan. Inmediatamente patruilla a sali pa investiga y a hanja e hobennan D.R. (di 18 anja), E.K. y J.R. E asunto ta na investigacion.

Cabezira?

Diamars anochi asistencia di polis a word pidi na un theater n-Oranjestad pa un ta C.W. kende anormamente a word prohibi pa drenta e theater pa tres luna, pero toch a drenta. E motibu cu e hoben aki a word prohibi pa drenta e theater durante di tres luna ta pasobra cu diadomingo el a drenta e lugar sin paga. Polis a asis i pero mescos cu diadomingo e hoben aki a hanja cu ta mehor pa laga hana na awa promer cu polis yega. Den Nassaustraat el a word deteni y hiba warda, caminda el por a keda te ora cu funcion di peluclia a caba e anochi ey.

DIASABRA FIESTA DI MARINIER

ORANJESTAD, 22 agosto. — Durante e anochi di fiesta, cu lo tuma lugar diasabra p.v. den e mariniers-kezerne na Savaneta e copa di „Onze Vloot“ lo word entrega na e Marinier cu a haci e mehor prestacion individual durante e recien campenao di Marinier.

Esaki ta coronal Verhalde. Cooperacion musical pa e anochi di baile aki ta word duna pa Sonora del Caribe y Los Marichis. Entrada ta manera custumber gratis. Kaarchinan pa e anochi aki por word husa serca e oficina di O. S. O. di e lugarteniente.

COMPETITIE A.V.B.

Awenochi pa 7.30 den WILHELMINA STADION

SPORTBOYS vs. RIVERPLATE
(A KLASSE)

ENTRADA GENERAL FL. 0.50
Mucha miltar prijs

Exito enorme pa actuacionan „Vivons en Chantant“

ORANJESTAD, 22 agosto — Hopi personanan mester a balbe cas dialuna anochi ultimo, ora cu nan a yega na Lago Heights Club y a constata cu no tabatin ningun carchi mos di benta no porta pa e programa „Un munda den melodia“ di e caro mixto „Vivons en Chantant“, apas cu 150 stul extro a word uso e anochi ey. „Un munda den melodia“ o produci pa e miembronan di „Vivons en Chantant“ y e dirigente Ad Stenzen nada menos cu das sala (un biha Central Cultural y e otro biha Lago Heights Club) yen, di skina po skina.

Cu e coro „Vivons en Chantant“ a progresa enormemente den e ultimo tempelman, esey tur persona cu a asisti na e programa „Un munda den melodia“ por a constata. Y esaki e.o. gracias na e gia di e dirigente Ad Stenzen durante ultimo anjanan. Pero no unicamente e coro aki a bai adilanti cu su actuacionnan, pero alavez por a constata cu un disciplina grandi tabata domina e presentacion di e coro aki. Na un manera excelente y grandioso e coro a presenta, melodianan di Hulanda, manera „Ik heb een wagen vol geladen“ y „Slap kindje slaap“.

For di e canticnan folklorico di diferente paisnan di mundo, Antillas a hanja atencion special, loke tabatin como resultado cu nan a cai na masha smaak di e publico. E trabau important, te pa compone e canticnan special pa e coro, cual tabata canta den euter voz, ta di senjor Ruffo Wever y Ad Stenzen. Esaki ta pa di promer biha den historia cu canticnan Antillano a word presenta pa un coro den euter voz y e acompanyamento musical. E conjunto cu a acompaña e coro tabata existi di Padu del Caribe, Irma Arindell (tur dos na piano) Robert Arindell (Bas), Lucio Rivedeira (maraca y raspu) Romulo Fingal (quinto) y Sinclair Barry, (drum).

Un sorpresa tabata e solonan di Esther de Castro cu a canta den „Gypsy Love Song“ y „Chaquane's Burning“. Nos ta spera cu esaki lo no ta e ultimo biha cu tal actuacion lo tuma lugar. Mientras cu Antillas tin cantantenan y musiconan di tal caliber, e musica folklorico por conta cu un bon futuro. Lastima cu e dirigente Ad Stenzen kende tin un gran parti den e progreso di e coro „Vivons en Chantant“ lo bai laga Aruba definitivamente na oktober venidero. Esaki el a logra investigar.

DIABIerna APERTURA DI EXPOSICION DI ALUMNONAN DI PANDELLIS

SAN NICOLAS, 22 agosto. — Diabierna anochi venidero pa 6'or y mei lo tuma lugar na e edificio di Y.M.C.A. na San Nicolas e apertura di e exposicion di e pinturanan di alumnonan di e conocido pintor Pandellis. Pinturanan lo word muestra di e damanan E. Moore, A. Mullen, G. van Logchem, H. Maceow, F. Swartzell, K. Smith, A. M. de Heer, E. Hirschfeld, P. Nichols, A. Eman, Ima Eman, J. Oduber, A. Neme, N. Nelson, Z. Saunders, M. T. Noltehnus y senjoran L. Coombs y C. Flemming. Di e maestro mes lo tin unicamente dos pintura na exposicion: „Gladioli“ y „Zinnias“. Fuera di e 38 pinturanan di verf di zeta lo tin tambe 16 schets di Herrieh Lo-A-Njoe Diana y Errol Wong A. Sov. R. Rodriguez, Bibi Arends, Dolfi Lejuez R. Mac-David y R. Bebroeck.

RESULTADO DI CANASTA

ORANJESTAD, 22 agosto. — Dialuna u.p. atrobe un wega a tuma lugar pa e competitie di Canasta Bond. E biha aki tabata entre I.C.A. y S.A.S. E ultimo aki a gana e partido cu 20 pa 10.

dudablemente pa motibo di e manera cu el a interesa su mes na musica, e pueblo y cultura Antillano, Alavez ta den henter e bida musical di Aruba Ad Stenzen a hanja un fama grandi y nos ta spera cu esunnan cu lo sigui lo por continua cu e trabau cu el a haci florece aki na Aruba.

Durante e presentacionnan e programan di e coro a word intercambia de bez en cuando pa e conocido trio „Los Aventureros“ y Padu del Caribe. E aplauso cu e artistanan aki a hanja ta muestra cuanto popularidad nan tin serca e pueblo di Aruba.

Actuacion na Banaire

Cu dos avion charter di K.L.M. e grupo aki a sali diamars merdia pa Banaire caminda indubablemente nan lo tin e mes un exito cu nan tabatin na Aruba.

Mas presentacionnan

Probablemente despues cu e coro bolhe for di Banaire, Radio-Victoria lo transmiti, durante di e programa di Elmar cu ta cuminsa 10'or dialuna anochi, chi venidero u.p. e programanan di e coro. Tambe delibetacionnan ta tumando lugar cu „Sichting Culturele Vorming in Schoolverband“ pa presenta e programa un biha mas, hunto cu aplicacion na e alumnonan mas bieuw di school, asina cu nan tin e oportunidad pa haci conoci cu e desarollo di e musica Antillano.

JAN McART DEN KLOMPEN KLUB



De-de cuminzamentu di e siman aki ta actua den Klompen Klub di Aruba Caribbean Hotel como estrella di e show di 10.00 p.m. e cantante Jan McArt. E talentonan di e cantante aki principalmente ta keda riba tereno clasico y su artiman di „Madame Butterfly“ y „La Boheme“ tabatin masha bon critico di prensa exterior. Otro numeronan cu eua Jan McArt ta haci honi impresion riba su oyentes ta „Serenade“ y „You and the night and the music“. E revista Mericano „Variety“ a scribi tocante su actuacion den un nightklub di Chicago: „Jan McArt tin un corona di cabai largu magnifico, un surlido excelente di credencialnan di clubnan prominente, un voz magnifico y un belleza excepcional“.



HUMA UN CIGARIA
VERDADERO
HUMA UN
CAMEL



FAVORITO DI ARUBA

STATUTEN DI ZENITH A KEDA APROBA

ORANJESTAD, 22 agosto. — Den Curacaoche Courant di dia 16 di agosto u.p. e statuten aproba di Zenith Sport Club na Aruba a keda publica. E statuten a word stipula durante e reunion extraordinario di e club cu a tuma lugar dia 20 di juli 1962 baw direccion di e president Robert E. A. Martin.

E Robo di Trein na Inglatterra

Delator ta menciona number di asaltadornan

LONDEN, 22 agosto — E corant ingles „Daily Herald” ta anuncia, cu un delator a splica Scotland Yard de-
tayedamente con e asalto di trein dia 8 di e luna aqui a transcurri. Manera ta conoci e asaltadornan a bai cu casi 13 millon florin. Parce cu el a menciona number di 31 persona, entre cual e lidernan di e banda, cu ta meti den e asalto.

Segun e corant polis ta spera di haci algun arestacion dentro di 48 ora a base di e datonan ey.

E corant ta bisa cu ya polis a asalta algun cas di miembros di e banda. Ademas ta worde acepta cu mas di un millon shere cien florin di e placa for-
ta a worde manda Suiza.

Polis Ingles a hanta durante su investiga-
cion pa e asaltadornan die trein di post Glasgow-Londen na Box Hill an caravana, en segun nan a wordu usa pa e complicianan die robo di trein. Po-
lis na a segura oficialmente noticiando segun cual nan a hanta den un die garashinan die caravana un casu en

placa. Un truck pisa prem, en nan a hanta na seis km die hacienda Leathers-
dale, en nan a kere cu e gang a des-
cender den pura, no tin nada que her-
cu e asalto. Foi algun dia prome cu e
robo di trein nan a horta e truck aki.

E rechercenan di Scotland Yard ta
buscando entre otro dos parcha, di cual
un di nan mester tin un yiu huntu cu
nan y un cacho blamen. Parce cu e pa-

reha aqui a biba algun dia den e car-
avana cu a worde haya algun dia pasa
den cercania di Dorking.

Tocame e otro parcha, cu a compra
e auto pretu di carreda, Scotland Yard
a duna mas informacion. E homber ta
un ex-baldo cu ta mihor conoci co-
mo „Peter the Pug”. E mulhe ta entre
trinta y cuarenta aña y por distra-
su mes asina, cu den circulo di
gangster nan ta yame. E mulhe cu dies
cara.”

Segun Daily Mirror a resulta, cu e
mulhe a bishita barnan unda hopi em-
pleadonan di ferroviaria ta bai y cu
el a haya su tur particularidadnan to-
cante funcionamiento di e senayan riba
e pista unda e trein a worde asalta des-
pues.

Kennedy: ayudo na exterior ta indispensable pa seguridad mundial

WASHINGTON, 22 agosto — Pre-
sident Kennedy a haci un yamamentu
den su conferencia semanal cu prensa na
senado y camara di dipotados pa apro-
ba su programa di yudanza, pasobra e
ta haya di gran necesidad pa seguridad
di henter mundu y na proteccion di e

paisnan independiente hoben contra co-
munismo. Riba un pregunta el a con-
testa, cu ta masia improbable, cu du-
rante di sesion di asamblea general di
Nacionnan Uni otro luna e lo topa cu
premier Chroesjef. Un tal plan no a
worde propone, asina president Kenne-
dy a bisa. Ainda no a worde dicidi si
el lo dirigi palabra na e asamblea ge-
neral.

Si mester hiba negociacionnan tocan-
te establecimiento di posnan di control
entre Oost y West, anto esaki lo socede
entre e aliadonan y Union Sovietica.
Asina Kennedy a bisa. Pero ainda nos
ta leu for di esey, el a agrega. Riba e
pregunta si e posnan di observacion
ey lo worde establece solamente den
e dos partinan di Alemania, Kennedy
a contesta, cu ainda mester atende esey
y cu e conseho permanente di NAVO
ta atendiendo e kestion ey.

„Mi ta quere cu Merca lo no tuma
un propio punto di bista, pero el lo
sigui esun di NAVO. Despues di con-
sulta cu e aliadonan y deliberacionnan
en Union Sovietica lo por cuminsa.

BALANSA DI PAGO

President Kennedy a declara, cu Mer-
ca quier recupera e equilibrio riba e
balans di pago sin stroba e sistema
monetario den mundu occidental. E
president a expresa e speranza cu e de-
ficit riba e balans Mericano di pago,
aunque cu e prome mitar di anja 1963
tabata preocupante, lo no crece bira
e deficit di mas grandi despues di guer-
ra.

Kennedy a participa cu e tres me-
dianan cu gobierno Mericano a tu-
ma — egalizacion di belasting di ren-
ta, aumento di tarificanan di renta y
menhuacion di gastnan na exterior —
lo cuminsa duna resultado positivo.

El a agrega cu Merca no tin inten-
cion di bai muchu mas leu pa haya
medionan pa recupera e equilibrio riba
e balans di pago. El a rechaza especia-
mente e idea di devaluacion di dollar.

„Kennedy a bisa: „Tur loque nos
haci ta worde refleja den e sistema
monetario di occidente. Pues nos lo
traha minuciosamente”, asina e pre-
sident a bisa.

SCIENTIFICO MERICANO TA CONTRA RATIFICACION DI ACUERDO NUCLEAR

WASHINGTON, 22 agosto — Dr.
Edward Teller, tata die bon di water-
zof, a yama ayera e tratado pa un pro-
hibicion parcial riba pruebanan nuclear
un paso bek di seguridad y posthemu,
te na paso den direccion di guerra. E
cientifico nuclear descendente di Hun-
gria a bisa cu acento cu e ta contra
ratificacion dje tratado firma na Moscu.

El a papia pa comision Mericano di
senado pa asuntunan cu Exterior. Segun
dr. Teller Rusia ta dilanti Merca loke
ta referi e conocimiento theoretico di
arma nuclear, asina cu nan tin suficien-
te conocimiento pa construi un defen-
sa contra arma nuclear.

Loke ta referi e arsenal nuclear di
Merca ta superior. Merca y Europa ta
dispone di suficiente fuentenan humano
y tecnico di ayudo pa ta numero uno
riba tereno di ciencia riba territorio
nuclear.

E ta bania, cu e limitacionnan cu
Merca a tuma riba dje y cu ta stipula
den e tratado, por conduci pa e pre-
gunta si Merca por defende su mes y
su aliadonan. E duda aki por laga
NAVO cu foi otro. Como contesta riba
preguntanan e científico nuclear a bi-
sa, cu e lo recomendar pa sigui mas lihe
posibel cu e pruebanan nuclear. Si nan
rechaza e tratado, Merca lo sigui cu
prueba te ora cu e ta dispone di dato-
nan necesario, y segun Teller esaki lo
dura anjanan.

RUSIA TA INSISTI PA DESMANTELA BASENAN DEN EXTERIOR

GINEBRA, 22 agosto. — Rusia
a insisti na e conferencia di desarme
na Ginebra, pa desmantela hasa ba-
senan militar di stranheria sin tribu-
lacion durante e prome fase di des-
arme. E lider Ruso di delegacion
Tsarapkin a bisa, cu e sistema di ba-
senan militar di stranheria rond di
Union Sovietica ta un dje causanan
di mas principal die actual tension.

E paisnan occidental ta kere, cu
desmantelacion di tur basenan di
stranheria lo stroba e proposicion di
poder durante e tres prome fasenan.
Segun e, nan mester desmantela al-
gun dje basenan aki durante e di dos
fase y e sabra durante e di ultimo
fase pa un desarme.

COOPERACION ENTRE MERCA Y GRAN BRITANIA

LONDEN, 22 agosto. — Gran Bri-
tania y Merca a dicidi pa un coope-
racion mas intimo den territorio di
islanan Bahama cu e fin pa evita
persanan no autoriza usa e islanan
aki pa finesnan ilegal. Asina minis-
terio Ingles di asuntunan exterior a
bisa ayera tardi den un declaracion.

Nan a tuma e decision en relacion
cu un incidente di dia 13 di agosto,
cuminda hapornan Cubano di guerra
a secuestra 19 refugiu Cubano dje
isla Ingles di Bahama Anguilla Cay.

SIRIA TAMBE TA PIDI REU- NION URGENTE DI CON- SEJO DI SEGURIDAD

DAMASCO, 22 agosto. — Siria
també a pidi pa tene un reunion ur-
gente di e conseho di seguridad di
Nacionnan en conexion cu e tension
na e frontera entre Siria e Israel.

Manera ta conoci ya Israel ayera
nochi a pidi pa tene un reunion ur-
gente di e Consejo di Seguridad di
Nacionnan Uni ta worde spera, cu e
conseho lo reuni sea diahuebs of dia-
bierna.

pa bo éxito

Avisa den
ARUBAANSE
COURANT
y compara e
resultado

AWOR OBTENIBLE NA Panama Store ROMART

INTERIOR — EXTERIOR
ROMART TA UN VERF
MODERNO, CUIDADOSAMENTE
MESCLA PA PROTEHA E SU-
PERFICIE COMPLETO.

Proteccion den cada galon.
1 galon f. 5.10
1/4 galon f. 2.25
També tin tur sorto di KWASHI.

WELGA NA BOMBAY A TERMINA

BOMBAY, 22 agosto — E welga na
Bombay di funcionarionan di gobierno
cu a cuminsa siman pasa, a termina
ayera. E funcionarionan a dicidi di bai
traha atrobe despues cu e minister di
Defensa di India a priminti cu e dere-
chonan di umbienan lo worde res-
peta.

En coneccion cu e welga aqui polis
a aresta algun cien persona mientras
cu mas di dos mil oficinista a worde
retira.

AVION MILITAR DI BOLIVIA A CAI

LA PAZ, 22 agosto — For di dia-
bierna un avion militar di Bolivia a
perde. Bordo di e avion tabata entre
otro Charles Bunch, delegado di e ser-
vicio internacional di desarrollo di go-
bierno Mericano y representante di e
comision intergubernamental pa integra-
cion Europea.

ANIMO PA REVOLUCION

DIJAKARTA, 22 agosto — Ibrahim
Yaacob, president di e sociedad pa un
Malakka independiente, a bisa na un
reunion di ciudadanonan di Maleisia cu
ta biba na Indonesia, pa nan prepara
nan mes pa nan worde lansa riba Ma-
lakka. E ora cy nan mester destrui e
Maleisia neo colonialista, despues cu
e federacion nobo di Maleisia a bira
un hecho. Asina e agencia Indones di
prensa Antara ta anuncia.

DR. GORBACH TA RETIRA!

VIENA, 22 agosto — E corant di
e Partido Catolico Popular na Austria
„Volksblatt” ta anuncia cu e canceller
di Austria, dr. Alfons Gorbach, lo re-
tira dialuna awor na e reunion anual
di e partido como president di e parti-
do. Den otro corantnan, socialista e
independiente, e speranza ta worde ex-
presa cu Gorbach lo bandona tambe
e puesto di canceller dentro di algun
luna.

Segun e corant „Volksblatt” Gorbach
a bisa di quier laga e puesto di pre-
sident di e partido pa un homber mas
hoben.

Cuba ta anuncia medidanan nobo di defensa

HAVANA, 22 agosto — Den un co-
municado di gobierno nan a bisa cu
gobierno Cubano ta hanta actualmente
necesario pa tuma medidanan pa defen-
de e pais aki contra plannan nobo
agresivo di Merca.

E recien atakenan a mustra cu e
plan di 5 punto cu gobierno Cubano a
propone Nacionnan Uni pa soluciona
e crisis di october di anja pasa ta in-
evitable pa baha e tension cu Merca
a crea den territorio di Caribe.

Entre e 5 puntunan cu Cuba a pro-
pone tin entrega dje base di marina
Guantanamo y e garantia necesario cu
Merca lo no drenta o ataca Cuba.

E comunicado ta compara loke e ta
yama e politica „hobo, criminal y sin-
berguena” di Merca pa cu Cuba cu e
disposicion di Merca pa firma e acier-
do nuclear.

E tratado ta bisa cu Merca ta kere
cu nan por saca provecho dje actual
situacion internacional pa baha cu re-
volucion na Cuba, loke ta mal stens.
Merca ta balota e posibilidadnan di
Cuba pa defende su mes mucho abau.
Ayera mainta nan a fortifica e puert-

SHOW DI MODA na beneficio di

„STICHTING PRINSES WILHELMINA FONDS”

den Club Suriname, diasabra 24-8-63 pa 8’or p.m.
cu cooperacion di VENUS STORE,
JOYERIA VAN EER Y MARVELOUS BEAUTY SALON
DESPUES DI SHOW GRAN BAILE

Entrada f. 2,—

Mucha f. 1,—

Gran Feria Cacique

na Club Caribe riba dia 24 y 25 di agosto,
cuminzando pa 7’or di anochi y Diadomingo
pa 4’or d alardi.

Premjonan atractivo y util na wegonan exitante ma-
nera Royal & Straight Flush, Las Vegas Game, Lucky
Strike Pitch, Grabbelton, Poppentent, Postkantoor,
Ruleta y ainda hopi mas.

BINI UNO, BIN TUR NA E GRAN FERIA, Y
GANA HOPI PREMIO!!

Un bar y cushina bon surti. Rifanan di bromfiets,
set di porch, set di comedor etc. etc.

CADA FECHA UN BUNITA DOORPRIZE.

TERITORIO INSULAR DI ARUBA

Hefe di Servicio di Salubridad Publico ta participa cu for di dia 26 di
agosto 1963 te ariba dia 30 di agosto 1963 lo tin oportunidad atrobe pa
laga injecta muchanan gratis contra parálisis infantil (di dos rond) Mu-
chanan naci durante 1962 por worde treci na e luganan menciona aki bao
durante e siguiente oranan di consulto:

Clinica di gobierno na Savaneta
Clinica di gobierno na Noord
Clinica di gobierno na Sta. Cruz
Clinica di gobierno na San Nicolas

di 2’or te 3’or p.m.
di 2’or te 3’or p.m.
di 3’or te 4’or p.m.
di 2.30 te 3.30 p.m.
(cu excepcion di diasabra)
di 2’or te 3’or p.m.

Centro Médico na Oranjestad

BON NOTICIA! HUMA MAPLETON Y GANA PLACA ALAVEZ.



AWOR..... pa cada pak
bishi di MAPLETON, bo ta ricibi
3 cent.

Agente:
SHANGHAI STORE
San Nicolas.

AVISO

Commandante di Marinierskazerne
„Savaneta” Aruba, ta participa cu
DIA 23 DI AGOSTO 1963 for di
7’or te 1’or lo worde teni cherche-
cion di tiramento riba e terreno di
Callfornie (ARUBA)

E terreno peligroso riba laman lo
ta 10.000 meter for di costa.

E terreno peligroso lo worde marca
cu bandera cora y borchinan di
aviso.

OPLEIDING SPAANS L.O.

Aanmelding nieuwe
cursisten vóór
1 september.
FR. HENRICUS

USA GAS PA TUR COS

pidi
bo
tubonan
na
tempo
ARUBA GAS SUPPLY
TEL. 1898



Bo cas ta bo orgullo ora cu bo usa
verf marca PIETER SCHOEN.
També nos ta huur equipo di con-
struccion na prijsnan favorabele.
Haci nos un bishita y lo bo sail
satisfecho.

PETRONA & CROES

CISCO KID presenta pa cortesia di ARUBA BOTTLING COMPANY

NESBITTS den varios sabor, e refresconan
mas pidi y mas gusta na Aruba.

1. No pensa ariba esei mes.
Aho mes por bula na pida
pida, si e cos ey estalla.
La mi tene hopi ciudad!
2. Tanten...
Nos tin cu busca mas ar-
mas. Tin un hobo cu ta pa-
ga cuak’er prijs pa tur ar-
ma cu nos entregele. Si!
3. Si... E tipo cu a caba
di papia cu mi!
Esei no ta ningun hobo,
hefe, esei ta Cisco Kid!



PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. Pero, porfin bo a cum-
pra e bisti?
2. Mi a bisa ba, cu e luna
aki bo no meter haci un
gasto asina.
3. Masha bon, pero no ra-
bia...
4. Mi no ta kier a compra-
le, pero mi no por a wanta
mas.
Duna mi pasenshi. Dios mio.



Cuatro pa dos Tropical a gana di Aruba Jrs

(Di nos Redactor Deportivo)

E onena di Tropical a obtene su promer triunfo den e campeonato di boofdklasse 1963 diamars anochi ora cu nan a derrota e equipo di Aruba Jrs cu anotacion di 4 gol pa 2. E muchanan di Tropical tin awor un gana y un perdí, mientras cu Aruba Jrs tin dos salido dos derrota.

Mescos cu pa nan promer partido, cual tabata contra di Jong Aruba, e onena di Aruba Jrs tabata forma pa gran parti di caranan hoben cu pa di promer anja ta participa den hoofdklasse.

Ocho minuut hieu e partido tabata ora cu Oshero Antersijn di Tropical ta habri e anotacion. For di un corner tuma riba alaroz, e promer gol ta nace. E corner a worde buska door di keeper Liberia di Aruba Jrs, pero esaki no ta garra e bala hon y e bala ta cai net riba pia di Antersijn. Sin perde tempo Antersijn ta manda e bala aden pa pone Tropical adelanti 1-0.

Diez minuut despues e gol di Aruba Jrs ta den peliger atrobe. Keeper Liberia ta pomp un fuerte shot di e semper peligroso Benny Brete manda corner. Atrobe e intento di garra e bala for di e corner door di keeper Liberia ta fracasa y un biaha mas e bala ta bai net riba pia di Antersijn. E biaha aki sinembargo for di un posicon un poco menos ventahoso, Antersijn no ta controla su shot bon

y e bala ta pasa over di gol bai out.

Como cu e linea delantera di Aruba alaroz ta laga e defensa di Los contrarios, e bala ta worde hunga hopi riba e mitad di tereno defendi door di Aruba Jrs. E presion cu Tropical ta eherciando ta worde corona den di 30 minuut cu nan segundo gol di wega.

E biaha aki un rapido avance riza alaroz ta laga e defensa di Los Azules atras. Un voorzet ta worde ricibi door di Chico Erasmus, kende completamente liber ta pone un incogible aden pa aumenta e ventaha di su team te na 2-0.

E mihor chens pa e linea di atake di Aruba Jrs den e promer mitad a presenta den di 32 minuut di wega. Gochi Brion ta pone un voorzet cu ta laga e defensa contrario atras. Rechshuilen Henky Braafhart ta rush aden y ta vega e bala. Su shot sinembargo ta sali net na banda.

Algun minuut despues (in otro hon atake di Aruba Jrs) den e promer mitad a hoben Eddy Becker ta hane e chens di pone e bala den gol. Becker a hula pa kop e voorzet for di ala drechi, pero e ta kop mucho halto y e bala ta pasa over.

Segundo mitad: Co-da jun ta anota dos

Cu mas frecuencia cu den e promer tempo e onena di Aruba Jrs ta

logra forma atake awor. Un freekick tuma door di Brion casi casi a sorprende keeper Pedro Dijkhoff, kende na ultimo momento a logra tene e bala cu a desvia aindá.

Di otro banda Danies ta sorprendi cu un shot largo cu keeper Liberia haciendo esfuerzo grandi a logra manda ufor.

Den di 18 minuut Aruba Jrs ta anota su promer tanto. Un rapido atake ta laga e defensa di Tropical atras y e chens ta presenta e biaha aki pa Luty Burleson. Esaki ta pone un fuerte shot aden pa marca e promer gol di Aruba Jrs y haci e score 2-1.

Cuatro minuut despues e delantera di Aruba Jrs ta den atake atrobe. Dogny de Windt cu poco promer a drenta ta hane e bala despues cu keeper Dijkhoff a sali pa intercepta sin logra, y ta shot mesora aden. Door di un defensa sinembargo e bala ta worde taha cu man y referi Frans Figaroa ta sentencia penalty.

Gochi Brion ta coloca su mes tras di e bala y ta pone un shot incogible pa keeper Dijkhoff empatando asina e encuentro na dos gol pa banda.

Mas o menos diez minuut e partido ta keda asina ya cu den di 35 minuut Tropical ta kibra e empate. Un skerp voorzet for di aladrechí hací door di Danies ta worde contra aden door di Casper Boekhoudt. E velocidad di e hugada y e shot a laga keeper Liberia sin e minimo chens posibel. Score 3 pa 2 den favor di Tropical.

Faltando tres minuut pa e encuentro termina. Tropical ta caha di sigura su triunfo, cual por cierto tabata mereci, ora cu Benny Brete ta anota gol number cuatro. Back Final di Aruba Jrs ta trata despues di 15

bra un atake pa pasa e bala y ta perde contra di un delantero. Esaki ta pone voorzet cu Benny Brete completamente liber para ta ricibi y ta shot mesora aden pa pone e score na 4 pa 2 pa Tropical. Sin mas cambio ariba e scoreboard, e partido a termina.

TORNEO DI TENNIS NA ARUBA JRS

(Di nos Redactor Deportivo)

Door di e division di tennis di Aruba Jrs a worde organiza un torneo di tennis di caballeros dobel, cual lo cuminsa diasabra awor.

Un total di 14 team ta tuma parti den e torneo. Den dos grupo e diez-cuatro teamnan a worde parti.

E grupo yama Kramer ta forma door di e teamnan Gechi Pieters-Tico Kuiperi, Klapper-J. Nieuw, Eddy Thomen-J. Trappenberg, Boy Escalona-E. de Lannoy, Edgar Keikboom-Gus Pablo, A. Dieffenthaler-E. Taytelbaum, y Luis Brion-L. Frans.

Y e grupo Pancho ta forma door di e siguiente shete teamnan. Jose Correa-Lehas. H. Kuiperi-Desire Barh. E. Bruijn-W. Labad. Noach-Charlie van Eer. C. Kip-Labadie. Efraim Tromp-Ciro Pieters y Sid Frigierio-W. de Graaf.

Entre cada grupo, lo worde hunga un rond pa saka dos ganador den final. Diasabra awor cu dos partido e torneo lo cuminsa.

Promer partido lo ta entre e team di Gechi Pieters-Tico Kuiperi y Boy Escalona-de Lannoy, mientras cu e segundo wega lo ta entre e teamnan Frigierio-de Graaf y Kip-Labadie.

Rusia ta ninga declaracion di Alemania West

MOSCU, 22 agosto — E ministerio Ruso Sovietico di Exterior a ninga di acepta e texto di un declaracion di Alemania West tocante firmamento di un acuerdo limita pa stop prueba nuclear. E texto di e declaracion a worde entrega na e ministerio door di e encargado di negocios pa Alemania, Scholl. Scholl a lesa e texto di e declaracion pa e ministerio interino di Exterior pa Union Sovietica.

Un portavoz di e embajada di Alemania West a bisa cu Koeznetsov a sinti seucha e declaracion cu atencion, despues di cual el a bisa di lo no firma e acuerdo.

Den e declaracion cu Scholl a lesa gobierno di Alemania West ta declara cu su firmamento di e acuerdo parcial

tene reconocementu di Alemania Oost y cu e gobierno di Alemania West ta e unico representante legal di pueblo Aleman.

Gobierno Aleman ta agrega na esaki "Zona Sovietica na Alemania no tin ningun derecho pa pone su partido pa firma acuerdonan internacional.

Koeznetsov a declara cu e no por acepta e declaracion, pasobra gobierno di Alemania West cu esey ta actua contra e espiritu den cual e tratado nuclear a worde logra.

El a bisa tambe: "Ta di deplora, cu gobierno na Bonn ta tuma un actitud asina caprichoso y irrealista, cu no ta fi acuerdo cu e berdadero situacion na Alemania".

Republica federal di Alemania no tin e derecho pa papia na henier pueblo Aleman, of solamente pa Berlin so".

Scholl a contesta: "Mi gobierno a bol-be expresa su opinion cu e declaracion aqui tocante situacion na Alemania, esaki en conexion cu su intencion pa firma e acuerdo pa stop prueba nuclear. Berlin ta forma parti di republica federal. (Alemania West).

MOSKEE A CAI ADEN

NAGPOER, 22 agosto. — 110 persona a muri ayera noch: ora cu un moskee na Yeommal, na un distancia di mas o menos 135 km. suroest di Nagpoer na India a cai aden. Nan a saca 92 cadaver for di den ruina di e moskee. 18 persona a muri na caminda pa hospital.

Tin 68 persona gravemente herida. Di e tres cien persona cu tabata den e moskee na momento di e desgracia cien a sali ileso of cu heridanan masha leve.

Cumpleanjos

Awe a cumpli anja e hobenito Timoteo Zievinger. Felicitacion ta bini pa parti di su mama, tata, rumannan, di Ester, Mina y Benny Maduro.

Awe dia 22 di agosto a cumpli 1 anja e simpatica hobenita Emma Elizabeth. Hopi felicitacion ta bini pa parti di su estimado tata Ismael Wel-ler, mama Trinita, rumannan Candalaria, Maria, wel, Anita Dirks, especialmente di su pepe shon Hernandez y di su amiguianan di casa Cuna.

Awe a cumpli anja e hobenita Maria Elvira Werleman, felicitacion ta bini di su tata Pablo, mama Candida, rumannan Julian y Mariela, welanan Lina y Nina, welanan Ireno y Juan, tanta y omonan, prima y primonan y di su amiguianan Mario y Magaly, familia Vrolijk, Werleman, Kelly, Bello y Kock.

Dia 1 di agosto a cumpli anja senjora Anna Werleman y ta ricibi felicitacion di su esposo Betto, tata Pief Geerman, mama Adriana, rumannan Bertha, suegra Juanita, cunjanan, especialmente di su estimado sobrino Roland Geerman y tambe di Maria Werleman, ihanan, comen y comen, y demas familia Geerman y Werleman.

Dia 20 di agosto a cumpli anja senjor Bernardo Geerman, hopi felicitacion ta bini di parti di su esposa Catharina Geerman, suegro Roman Irausquin, suegra Petra Irausquin, cunjanan Jacobo, Hipolito, mama Thomasa, padrasa Johannes Stamper, rumannan Chita, Petra, Chio, Luisa, sobrina y sobrinonan y demas familia Geerman, Stamper y Irausquin.

MAL TEMPU NA HULANDA

DEN HAAG, 22 agosto. — Maske agosto a caba di cuminsa toch ta parse cu ya otonjo a cuminsa reina na Hulanda. Awacera ta cai tin orcan y mal tempu. Hopi tent djesnan cu ta pasando nan vakantie afo ta bula bai laira. Algun yate a worde benta contra playa. Na Tilburg un wawaru a causa danjo di millones di florin.

Den hopi caya palunan grandi tabata kibra manera un palu di lusafé. Tur caminda panshinan di cas tabata bini abso. E orcan cu tabata despues di wawaru a limpia un jardin limpi djim y nan a hane solamente un ter-cera parti di un dak di un aparta-mento cu a bula bai. Door di e mal tempu no tabatin hende mes riba caya. Solamente un persona, un chauffeur di un truck kende su au-to a worde e druk door di e hienit contra muraja a keda herida.

Na Barneveld na Veluwe e cayanan a cambia den riu despues di un mal tempu. Un die cayanan mas principal tabata meter y mei bso di awa.

Helga tabata paga hopi atencion. El a keda waak Elena hopi ratu. Elena a keda ketu durante e investiga-cion aki. Nan a keda waak otro den wovo. Elena tabata sinti den su stool di drumi banda die bentana cu un dekel riba su pianan. El a habri su brazanan y Helga a corre tira su curpa den nan. Su cabez a dai duru contra e pecho di Elena. E brazanan di e mucha a primi e muher fragil muher duru. Grace a keda para ba-huea.

—Mi chikita! Elena a bisa y a car-ricia e cabez di Helga. E ora Helga a bisa su cabez atrobe y e tabata corra y tur exila.

—Boso bai hunga awor! Cristian a bisa y a manda nan pafor.

E ora el a keda para ketu banda di Elena dilanti di e bentana. Y E-lena a bisa:

—Mi no sa pakiko ho ta duda ain-da? E mucha ta sinti su mes masha solitario. E ta desea poco amor. Mi lo bai bon cu ne. E ta pas sera Grace. Bo cu no mira con feliz Grace ta awor?

—Si, el a contesta emocion, el a haci ho dolor? E tabata asina bruto.

—Cristian! Elena a murmura span-ta.

E ora el a hane berguenza el a baha su cabez y a dune un sunchi ri-ba su frente.

—Ta malu, el a bisa, ya caha mi ta jaloes.

—Cos di loco!

Awor tur cos tabata asina bon re-gla. Tambe cu Helga tur cos lo bai bon, awor e tabata sigur.

Posey Elena tabata ocupa cu e pan-janan di e mucha. E tabatin un cen-

AGENDA

CINE

Diahuebs 22 augustus 1963

DE VEER 8:30 p.m.: "Hercules contra Vampiers" 193

RIALTO 8 p.m.: "Town Without Pity" 183

PRINCIPAL 8 p.m.: "Marco Polo" all

AURORA 8 p.m.: "The Alamo" 143

SAVANETA 8 p.m.: "Juan sin Miedo" 113

BOTICANAN DI WARDA

Oranjestad: BOTICA ARUBA tel. 100-1180

San Nicolas: BOTICA SAN NICOLAS tel. 5119

DOKTERNAN DI WARDA

Oranjestad-Noord Dr. C. v.d. Buij

San Nic-Sta. Cruz-Sav.: Dr. H.B. Demert

WIT-GELE KRUIS

San Nicolas: Dr. Perpetua

Oranjestad: Dr. Ewald

San Cruz: Dr. Ludovic

POSTSLUITINGEN

Diahuebs

Anguilla 8:00, Antigua 8:00, Argentina 8:00, Bolivia 8:00, Bonaire 10:00, Bra-zil 8:00, Br. Guiana 15:30, Canada 8:00, Canal Zone 15:30, Chile 8:00, COLOMBIA: New York 8:00, New Orleans, La. 8:00, Barzania 15:30, Bogota 17:00, Costa Rica 15:30, Cuba 8:00, Curacao 10:00, Ecuador 15:30, El Salvador 15:30, EUROPA (Asia-Africa) 8:00-15:30, Fr. Guinea 8:00, Guatemala 8:00, Guaymas 15:30, Honduras 15:30, Br. Honduras 15:30, Jamaica 15:30, Maringue 15:30, Mexico 15:30, Montserrat 8:00, U.S.A. Miami Fla. 8:00, Nicaragua 15:30, Panama 15:30, Paraguay 15:30, Peru 15:30, Puerto Rico 8:00, Rep. Dominicana 8:00, St. Kitts 8:00, St. Maarten 8:00, Suriname 15:30, Trinidad 15:30, Uruguay 15:30, VENEZUELA: Caracas 8:00, Maracaibo 15:30, Atencion: Cerramiento di pianan certi-fica ta un ora prome cu di post.

RADIO KELKBOOM

Diahuebs 22 augustus 1963

7:00 Opening

7:02 Bon dia cu alegria (Instrumental)

7:30 Musica matutino

8:00 Selecion musical en discopan

8:30 Cumpleanjos feliz

9:00 Notician social

9:15 Musica varia

9:30 Melodias instrumentales

10:00 Notician internacional

10:05 Ritos Latinos

10:30 Programa di N. Habibe Jr.

11:00 Notician internacional

11:05 Musica Norte Americana

11:15 Musica Antillana

11:30 Musica varia

12:05 Notician internacional

12:20 Musica Norte Americana

12:45 Notician local

01:30 Mei ora cu boleros

02:00 Novela (repeticion)

02:30 Feticiones

03:00 Twist

03:15 Merengues

03:30 Calypso

03:45 La Marorisa & Internacional

Supermarket

04:00 Musica cu sabor Azteca

04:30 Notician local

04:45 Coctail musical

05:00 Danzones Cubanos

05:15 Musica varia

06:00 Notician deportivo

06:15 Musica varia

06:30 Musica para la cena

07:00 Notician internacional na Papiamento

07:15 Musica Europeo

07:45 Musica Norte Americana

08:15 Novela (Vida Robada)

08:45 Musica varia

09:00 C.C.A.

10:00 Shutting.

RADIO VICTORIA

Diahuebs 22 augustus 1963

A.M.

9:00 Apertura

9:05 Ultimas noticias

9:15 E. Bibbel habri

9:30 Gimnasia

10:00 World news

10:10 The Bible for you

10:15 Radio reviv

10:45 Thought on home

11:00 Chapel of the air

11:15 Novela

MANIFESTACION MERICANO NA PARIS

PARIS, 22 agosto — Mas o menos cien Americano biba na Paris, tanto color scur como color cla, a bai ayera den optocht na e embajada Mericano na e capital Frances, pa entrega un declaracion firma pa algun cien compa-riota, den cual nan ta expresa nan sentimentu cu e marcha cu lo worde tene dia 28 di e luna aqui na Washing-ton den cuadro di e accion pa finalisa discriminacion racial na Merca.

Na e optocht a participa escriptorian, musico, pintor, militar y estudiantenan di Merca. Na e edificio di embajada tabatin algun cien Mericano mas ta spera nan. E optocht tabata ban di di-reccion di e actor color scur William Marshall.

ARRESTACIONNAN NA PALERMO

PALERMO, 22 agosto — Na Paler-mo polis a aresta dies persona, entre nan un funcionario di polis, cu tabata hende gaspatoe falsu na miembronan di Mafia, cu quier a hui pa Merca. Tambe na New York un complice a worde detene.

—No. Semper el a keda pensa riba e historia cu nos Maria. Si esey tam-be lo a hane asina hon... el a bi-sa semper. Bo sa cu hende muher nunca por conforma nan mes, cu nan yiu ta morto. Semper nan ta imagi-na nan mes algu.

—Asina. Kesler a mustra manera e tabata comprende tur cos.

Wortman a hanja un yiu muher na 1939. E ora guerra a cuminsa y e famia mester a hui na 1944. Durante di e huida e mucha a perde. Ora cu nan mester a drenta den un trein ta-batin asina hopi hende cu tabata pu-sha y lucha pa drenta den e trein cu e mucha a worde ranka for di e man di su mama y nan no por a hane bek mas. Pero e mama no kier a ke-re cu el a muri. Elfrida Wortman ainda tabata busca tur caminda pa hanja su yiu.

—Asina, e mucha ta custumbra bon den e villa?

Wortman a bisa su schouder.

—E ta poco bruto y mal educa pe-ro ta di comprende. Den institucion asina ningun hende tin tempu pa atende cu ne. E no tin mal curazon si. Y Grace ta masha feliz.

—Wel, si. Kesler a bisa. E ora el a bisa su man pa un saludo. Te ma-jan Karle!

Wortman a saca su motorsaikei y a corre bai su cas. E tabata di bon humor.

Awe nan tabata come pisa, su plato preferi. Ya caha e tabata mira e pisa, bruin husa sin dilanti. Tambe lo tin un botter di cerbez. Su esposa tabata un hon muher.

Pero ora cu el aiega na su cas, tabata diferente. E luz tabata paga. Riba mesa tabatin pan cu worst y keshi y manteca banda di dje. E cer-bez tabata sera den botter cu un car-ta hao di dje. Tabatin scribi:

Lastima mi no por juda ho awe, mi mester juda ariba. Albertia a sali bai!

—Esta frobel, el a murmura y a hai sista.

Pakiko senjorita Moritz a sali bai? Tabatin pleitu? Ta di spera cu senjo-ra Fechner no a exita su mes asi-na hopi cu el a hane un atake di eu-razon atrobe, e tabata pensa.

Y su esposa tabata ariba awor. Ta kiko e tabata haci? Probablemente e tabata hiba e muchanan cama, ma-nera e maestra sa haci.

(E ta sigui)

HOW'S YOUR WIRING?



No acumula mucho stekker huntu den un stop-contact. . . consulta ta bo electricista pa stop-con-tact adecuado! Esaki ta otro conseho franco di bo amigo y servidor

REDDY KILOWATT.

GRACE

„SANTA PAULA” y „SANTA ROSA”, bapornan moderno di GRACE LINE, semanalmente ta trece turista y carga pa nos isla.

● Usa e servicio eficiente di GRACE LINE y biaha via GRACE.

Agente:

EMAN TRADING CO. INC

Oficina tel: 1156-1554-5054-5055

Dock tel: 2135



DICK TRACY

2. E matron ta listrando e awor aki. E tin masha mal karakter.

3. Omo Punky ta en reali-dad culpable, el a papia thistle riba e complot pa mata Junior, pa molihu di e skeis di su tata.

4. Unda Junior ta? „Mi no sa, pero He! Ata e matron ta bini cu kiko???



RIP KIRBY

JAN BODEGOM & CO (Aruba) N.V.

TEL. 1284 — 1402

agente exclusivo di FRIESCHE VLAG lechi evap orodo y lechi en polvo MAXWELL HOUSE KOFFIE

1. E senjor Ming lo keda contento cu el a caha cu e ladronnan.

2. Pero di con por ta, cu ta tin arroz enhez di diamante den e popchi?

3. E triki mas bieuw den mundo, mi a compra un o-tro popchi y a cambiele.





Appreciabel Redactor,
Permiti un escaio chikito den e corant tan gusta aki na Aruba. Di antenante masha danki.

Manera cu nos tur aki na Aruba sa, actualmente tin na Santa Cruz un comision pa tratamento di un kleuterschool. Ya hopi di nos sa caba cu diferente bailenan a worde organisa y tambe un rifa a worde hunga pa asina hanja e fondo pa e kleuterschool.

Como cu nos grupo Los Wois Wois, a ripara cu e comision tin hopi trabou nos a dicidi, di duna un ayudo tambe pa e kleuterschool, door di organisa un show.

Como cu gasho pa haci e show ta hopi, nos a dicidi pa aserca e emisoranan di Aruba, tambe nos corant tan gusta "Arubanse Courant", y algun di nos comerciantenan local y tambe algun di nos agrupacionnan local. Por ehemplo Radio Kelboom, Voz di Aruba, Radio Antillana a duna nos nan cooperacion pasando e propaganda gratis. Di e comerciantenan cu nos a aserca nos a hanja for di Mansur Trading e pantle, tanan y e ticketnan di show gratis, Jan C. Lacle y Aurora Bar a duna nan cooperacion. Asina ta cu nos por riga cu cooperacion a worde duna for di tur caminda.

Pero hanjando e cooperacionnan aki nos a keda falta algun stoel, pa e show den Club San Martinus. E ora nos a dicidi di aserca Trappers Club pa su cooperacion pa stoel. Pero cu tur confianza cu nos tabatin nos a keda desapunta, pasobra segun Trappers cooperacion di nan no por worde duna como cu no ta e comision a aserca nan. Lastimamente cu tabata un actor di Los Wois Wois, e cooperacion a worde nenga.

Siendo cu ta pa kleuterschool nos ta hacie ta duel nos, cu un club asina gran, di y di Santa Cruz mes a nenga nos mientras cu nan no tabatin ningun actividad e anochi ey. Ta tristu pa nos mester aserca un club di otro distrito. Pero gracias na Commandeursbaai Club, e club tan gusta na Savaneta, cu a duna nos su cooperacion sin ningun interes.

Pakiko nan a nenga nos cooperacion siendo cu ta pa nos Santa Cruz mes e ta? Nos ta spera cu Trappers lo por comprende e error ey pa asina otro biaha no perhudica Santa Cruz mas, ma, nenga ya nan a haci. Pasobra ta enberdada tristu si nos pensa bon con di tur skina di Aruba nos a hanja cooperacion, mientras cu e club ya menciona cual ta di nos Santa Cruz mes, a nenga nos. Nos ta spera cu e directiva di Trappers no husga e remitido aki na malu, sino ta recohe nos ta recohe e foutnan cu nan a haci.

Terminando e remitido aki, nos ta gradici Arubanse Courant pa su bunita cooperacion den su diario.

Firma pa:
TEODORO CROES
Manager
THOMAS C. DELANY
THEOLINDO D. LOPEZ
NOTA DI REDACCION: For di banda di Trappers Club, nos a worde informa pa e presidente, cu e motibo

YUDANZA DI IRAK PA SIRIA

BAGDAD, 22 agosto — E forsan di Irak ta den estado di alerta na disposicion di gobierno di Siria pa por rechasa cualquier atake di Irak, asina un comunicado di e conseho nacional revolucionario di Irak a participa.

Avionnan di tur aeroportonan di parti west di e riu Eufraat y unidnan di ehercito den e teritorio ta cla pa interbeni si ta necesario.

E militarnan di Irak por lo demas ta parece di tin hopi trabou ainda cu e lucha contra Koordenan revolucionario den parti noord di e pais. Prensa di Irak ta anuncia, cu na bringamentu, nan den ultimo dianan 165 Koerden a muri y un gran cantidad a worde herida. Parece cu e soldadnan di Irak a mata tres lider di e Koordenan.

pa cual e grupo "Los Wois Wois" no a ricibi e stulnan cu nan a pidi ta lo siguiente:

Como cu tabata tin show cu a worde organisa pa beneficio di e tratamiento di kleuterschool pa Santa Cruz, presidente di Trappers Club a laga e miemro di "Los Wois Wois", kende a bin pidi e stulnan sibi, cu e no por hanja e stulnan, como cu segun su (e presidente di Trappers Club) opinion, ta e comision di kleuterschool encarga cu esaki, mester acudi serca e directiva di Trappers Club cu tal peticion y no "Los Wois Wois".

Na di dos lugar, segun e presidente di Trappers Club, dia cu nan a acudi serca djé, tabata mucho laat, como cu e ta un persona cu ta traha "shift" na Lago y asina no tabatin e oportunidad pa contacta heuter e directiva di Trappers Club pa tuma un decision en cuestion cu esaki. Pasobra segun e presidente su opinion, e no por tuma un decision su so pa entrega stulnan di club na un of otro grupo, esaki ta di worde haci pa mayoria di miembronan di directiva.

For di un otro fuente nos a worde informa cu un di e motibonnan pakiko Trappers Club no a fia "Los Wois Wois" e stulnan ta pa motibo cu basta tempo caba, Trappers Club y "Los Wois Wois" no ta di aki te aya cu otro.

ANOCHI DI VELADA NA SANTA CRUZ

SANTA CRUZ, 22 agosto. — Despues cu ultimamente e grupo comico "Los Wois Wois" a organisa un bunita show na beneficio di tratamiento di e kleuterschool na Santa Cruz, e siman aki lo ta "Liga di Maria" cu lo organisa un show na beneficio di un "urgencia" pa e pueblo di Santa Cruz, esta un school pa e muchanan chiquito di e distrito aki.

E show cu Liga di Maria lo organisa, ta carga e nomber "Anochi di Velada", y lo ta un programa di comedia, declamacion, musica, canto y baile di artistanan local. E show lo tuma lugar diabierna awor, esta majan pa 7'or y mei den Sint Martinus Club banda di Club Estrella na Santa Cruz. Organizacion: Liga di Maria ta spera cu un y tur, no unicamente for di e parokia, lo coopera pa e show aki por bira un rotundo exito y alavez yuda cu un bon obra.

PELICULA DI SEGURIDAD NA TANKI LEENDERT

TANKI LEENDERT, 22 agosto. — Awe nochi lo tin un anochi di pelicula den jeugdcentrum na Tanki Leendert. Lo worde presenta un pelicula di seguridad, den cual nan ta duna un impresion di accidentenan di trafico na Merca. Especialmente pa chofernan di auto e anochi cu entrada gratis, ta ser considera masha instructivo. E programa ta tuma lugar cu cooperacion di Public Relations Department di Lago y ta cuminsa pa she'or y mei.

CHINA TA DESMENTI DECLARACION DI INDIA

PEKING, 22 agosto. — Un vocero dje ministerio Chines di asuntunan exterior a rechaza awe un declaracion dje minister president di India tocante concentracion di trupanan Chines banda dje frontera cu India, y a yama e declaracion aki completamente infunda.

Tur e suspesionnan di gobierno di India tocante reunion di trupanan Chines den teritorio entre China y India ta cohe foi laira. Nan ta mentiran sin base.

Gracias pe dominio di China, cu nan por mantene e situacion tenso den e teritorio aki.



Un recien grabado di e orlense Anne di Inglaterra, jiu di Reina Elizabeth y prins Philip, cu a caba di celebra su dlestres anja. Aki e ta bisti e uniforme di padvinderster den cual e ta patrullerleider y e tin insignenan di corra cabal y landamento.

ACCION TERRORISTA NA VENEZUELA

CARACAS, 22 agosto. — Tres homber arma awera a saca un presu politico for di den hospital na Caracas. E hombernan tabatin un faha na nan manga bisti di un organizacion terrorista prohibi. E presu tabata na e hospital pa un tratamiento medico. E hombernan a tira un polis mata den nan asalto.

Dies prome terroristanan a laga un parti di un tubu di gas explota. E tubu ta transporta gas pa e central electrica di Arecifes. E central ev ta provisiona Caracas di electricidad.

OPOSICION DI ZUID AFRICA TA PROPAGA INTEGRACION

PRETORIA, 22 agosto. — Den un declaracion cu e partido di oposicion di Zuid Africa a saca, nan ta kere cu mester tene un deliberacion entre varios grupo racial na Zuid Africa.

Nan por ehecua na Zuid Africa solamente un gobierno cu ta triunfa, si tur e pueblonan ta relaciona den e union, segun e declaracion. Den esaki nan a propone, pa revisa tur ley den cual tin distincion entre raza y habitantenan di Zuid Africa, pa asina hala nan aden o aboli e leyman aki.

E lider di partido Sir Villier Graaff, a declara awe na un reunion di partido na Pretoria, cu mesizonan mester worde acepta como un comunidat occidental Suraficano. El a agrega cu e unico manera riba cua e hendenan blancu na Zuid Africa por sigui mantene e nivel occidental di bida, ta di laga esnan cu no ta blancu tambe participa den esaki.

E CONFLICTO RUSO CHINES

PEKING, 22 agosto. — Prensa Chines a apoya un declaracion cu a worde edita door di e ministerio Chines di exterior, segun cual solamente e corantnan Sovietico ta paga atencion completo na e fantasianan di India tocante medidanan militar di China den e teritorio fronterizo cu India.

Segun e corantnan Chines Union Sovietica ta surpasa e imperialistanan na dunamento di yudanza na India den su conflicto fronterizo cu China comunista.

Gobierno Chines den e declaracion menciona pa di prome biaha a acusa Union Sovietica directament e di ta yuda India contra China. E corantnan Chines no a publica nada tocante yegada di e Premier Sovietico y lider di partido, Nikita Chroetsjef, na Joegoslavia.

BO HOROSCOPO PERSONAL

ARIES
21 Maart — 20 April



Paga a'encion na bo acuerdo y noticianan. Atende cu bo correspondencia como cu personanan aleha por ta importante awor.

TAURUS
21 April — 20 Mei



Sigui e direccion y conseho di hendenan mayor. Busca erronan den bo calculacionnan y den noticianan cu bo lo hanja.

GEMINI
21 Mei — 20 Juni



Awe tin un aspecto favorable cu lo duna bo bon consejo di otro. No spanta pa forza bo mes pa logra bo proposito.

CANCER
21 Juni — 22 Juli



Seucha atentamente kiko nan ta bisa awe, aunka bo no ta bai di acuerdo. No tuma ningun decision importante awe.

LEO
23 Juli — 22 Augustus



Awe ta un dia favorable pa haci compras. Busca un compromiso ora cu tin desmon cu otro personanan.

VIRGO
23 Augustus — 22 September



Otronan por tin cabezura awe, ta mehor pa bo no forza nada. Nan lo cambia di opinion si bo actua correcto.

LIBRA
23 September — 22 Oktober



Tene bo mes na cosnan di customber y no purba nada strano. Tampoco laga otronan haci bo nervioso.

SCORPIO
23 Oktober — 22 November



Si tin problema nan awe, hendenan mayor por juda bo cu conseho. No confia e noticianan cu bo ta ricibi awe.

SAGITARIUS
23 November — 21 December



Tambe awe acen-to lo cai riba asuntunan di cas. Bo por haci hopi pa haci bo cas mas confortabel y agradable.

CAPRICORNUS
22 December — 19 Januari



No preocupu bo si bo no ta ricibi carta awe. Tene poco pasenshi den asuntunan di amor, e-saki ta e caminda correcto.

ACUARIUS
20 Januari — 18 Februari



Awe lo bira un dia hopi ocupa, hendenan den bo becindario por juda bo. Tene contacto cu personanan aleha.

PISCES
19 Februari — 20 Maart



Seucha loke otronan ta conseha bo: bo por gana cu e-sey. Busca cooperacion riba tur terreno, tambe den amor.

MERCA TA ENTREGA BASE NA MAROKKO

KENITRA, 22 agosto. — Merca a entrega un parti dje flota y base aerea Kenitra na Marokko. E base tabata den man Mericano foi cu arliadonan a baha na noord Africa na november di 1942.

Autoridadnan di Marokko a bisa cu e entrega ta forma parti dje programa pa evacuacion di instalacionnan militar di siranheria na Marokko. E parti dje base entrega na Marokko, lo worde usa, segun nan a anuncia pa un haf di piscado.



E senjorita aki tin su mannan jen cu e jiu nan di Nelly, un cachu di rasa cu a duna luz na diesun baby. Nan ta calcula e prijs pa uno 150 florin Antillano.

Chroestsjow a yega Sur Slavia

BELGRADO, 21 agosto — Premier Chroestsjef di Union Sovietica a yega Belgrado, capital di Joegoslavia, awera cu avion. E premier Ruso lo pasa un vacation di dus siman na e pais ey durante cual, segun ta worde escaio, el lo hiba deliberacionnan cu president Tito.

President Tito y su esposa tabata na aeropuerto pa ricibi nan huesped Ruso. Premier Chroestsjef ta acompaña di su esposa, su yiu homber Sergei, su yiu muher Jelena y tres alto funcionario di partido comunista Ruso.

Observadornan a deduci for di formacion di e delegacion di partido comunista Ruso cu ta compania Chroestsjef, cu e deliberacionnan probablemente lo ta mas di caracter politico cu di caracter economico.

Ta difcil pa acepta cu e conflicto Ruso-Chines y e posicion di Joegoslavia, lo no worde atende den e deliberacionnan. Den circulanon diplomatico na Belgrado tin rumoronan ta circula cu Kadar, lider di e partido comunista Hungaro, lo bai Joegoslavia na fin di otro luna.

E medidanan di seguridad na e aer-

E ACUERDO NUCLEAR PARCIAL

WASHINGTON, 20 agosto — Tin pa Merca na e tratado nuclear parcial perhudicacionnan militar, pero e probhechonan politico ta mas gran, ta stipula cu por sigui cu pruebanan nuclear bati di terra y cu lo tin otro garantianan. Asina e hefe Mericano di staf di forza aerea, general Curtis Lemay, a bisa na un reunion di e comision pa relacionan di exterior dje senado Mericano pa prepara ratificacion dje tratado.

General Lemay ta kere, cu Merca ta mas dilanti cu e Rusonan riba tereno di armamentu nuclear, pero no hopi.

Na e reunionnan tabata presente tambe hefenan di staf dje obra partinan di forsanan di guerra, cu ta pro pa e tratado, stipulando cu por sigui cu pruebanan bati di terra.

General Lemay a bisa di no ta masha contentu cu e programa nuclear cu Merca a ehecua e ultimo anjanan. E tabata kier pa Merca tuma mas prueba. El a bisa cu Merca por ta casi sigur, cu e basenan Mericano di rakel por resisti un atake di bom nuclear y despues contesta esaki.

E senador diplomatico Thurmond a puntra general Lemay, si el lo a recomienda e tratado si e por a pensa riba loke ta para den esaki prome cu nan firmele. "Mi ta kere cu lo mi no a conseha pa acepta esaki si tabata preparando e tratado aki," Lemay a contesta. E sobra otro tres hefenan di staf a bisa, cu en todo caso nan lo a apoya e tratado.

ropuerto tabata extraordinariamente severo y prensa no a worde admiti den e edificio principal unda e ceremonia di bienvenida a tuma lugar. Den su discurso di bienvenida president Tito a bisa, cu Joegoslavia ta sigui e intencionnan Ruso pa coexistencia pacifico activo, intenso. Nos ta contentu cu ya e prome resultado nan a worde logra, gracias na e esfuerzio di Union Sovietica y e potencial pacifico den mundo. Asina Tito a bisa.

Tito a bisa cu e relacionnan entre Joegoslavia y Union Sovietica ta desarrollando den tur sentido.

Chroestsjef tambe a papia tocante e bon perspectivnan pa e relacionnan entre e dos paisnan.

Israel ta pidi pa reunion di Consejo di Seguridad

JERUZALEM, 21 agosto — Gabinete Israel a dicidi awera durante un reunion urgente pa pidi un reunion urgente di e conseho di seguridad di Nacionnan Uni pa papia tocante e agresion di Siria. E gabinete a reuni despues di un incidente na cual soldadnan di Siria a mata dus Israelita.

Dos mucha homber Israelitico di 19 anja a worde mata awera nochi den cercania di Korazin, noord di e Lago di Galilea, door di dos solda di Siria. Asina un portavoz di ehercito di Siria a participa.

El a bisa cu un grupu di Siriaconan den seguridad a subi teritorio di Israel y a laga tres mucha homber cu tabata hiniendo for di cunucu cu un tractor a cai den un trampa. Un di e Siriaconan a tira y a mata dos di e Siriaconan. Israel a entrega un keho serca e comision Israelita Siria-co di armisticio. Observadornan militar di Nacionnan Uni ta haciendo un investigacion.

Ultimo tempu tabatin diferente incidente na e frontera entre e dos paisnan. Diasabra a worde participa na Damasco cu Siria a hala atencion di Nacionnan Uni y e cuater potencionnan riba seriedad di e situacion na e frontera en conexion cu concentracion di trupanan di parti di Israel. Israel a desmenti e ultimo pretencion aki.

E minister Israelita di exterior, senjora Golda Meir, a bisa despues den un entrevista cu general Bul di Nacionnan, cu Israel ta tuma e atencion di Siria masha serio.

Senjora Meir a bisa e general, cu Israel tin intencion di presenta e asunto serca un Instancia mas altu.



Ariba e portret aki nos por mira e boerderij "Leathersdale" na Oakley, Inglaterra cu tabata e escondite di e banda cu a horta e posttrein y a baha na awa cu mas di 15 millon florin.

BUCHI ROBEZ presenta pa cortesia di PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas



Merca ta entrega base na Marokko